

Bosna i Hercegovina
-Federacija Bosne i Hercegovine-
TUZLANSKI KANTON

Skupština

-Služba Skupštine-

Broj: 02-11-615-13/22

Datum: 06.12.2022. godine

Na osnovu člana 70. st. (1) i (3) i člana 89. stav (1) Zakona o javnim nabavkama ("Službeni glasnik Bosne i Hercegovine", br: 39/14 i 59/22), i preporuke Komisije za provođenje konkurentskog postupka javne nabavke usluga – pripreme, grafičke obrade i štampanja "Službenih novina Tuzlanskog kantona" u toku 2023. godine date u Zapisniku o ocjeni ponuda broj: 02-11-615-12/22 od 02.12.2022. godine, sekretar Skupštine Tuzlanskog kantona d o n o s i

O D L U K U
o izboru najpovoljnijeg ponuđača

I.

Prihvata se preporuka Komisije za provođenje konkurentskog postupka javne nabavke usluga – pripreme, grafičke obrade i štampanja "Službenih novina Tuzlanskog kantona" u toku 2023. godine data u Zapisniku o ocjeni ponuda broj: 02-11-615-12/22 od 02.12.2022. godine.

Ugovor će se zaključiti sa ponuđačem "HARFO-GRAF" d.o.o. Tuzla koji je jedini dostavio tehnički zadovoljavajuću ponudu broj: 28/22 od 28.11.2022. godine, zaprimljenu pod brojem 02-11-615-8/22 od 28.11.2022. godine, sa konačnom cijenom od 30.656,00 KM bez PDV, a sa PDV iznosi 35.867,52 KM.

II.

Ugovor će se dostaviti na potpis ponuđaču "HARFO-GRAF" d.o.o. Tuzla najkasnije u roku propisanom u članu 89. stav (3) Zakona o javnim nabavkama.

Ponuđač je dužan dostaviti dokumente zahtijevane tenderskom dokumentacijom iz člana 45. Zakona o javnim nabavkama u roku od 5 dana od dana prijema ove odluke, kao i u originalu ili ovjerenoj kopiji dokaz o registraciji za obavljanje predmetne djelatnosti.

III.

Ova odluka stupa na snagu danom donošenja i objavit će se na web stranici Skupštine Tuzlanskog kantona.

IV.

Sastavni dio ove odluke je Zapisnik o ocjeni ponuda broj: 02-11-615-12/22 od 02.12.2022. godine.

OBRAZLOŽENJE

Postupak javne nabavke pokrenut je Odlukom o pokretanju postupka javne nabavke broj: 02-11-615-1/22 od 17.11.2022. godine, putem ponovljenog konkurentskog zahtjeva za dostavu ponuda, a procijenjena vrijednost javne nabavke je 30.769,20 KM bez PDV.

Obavještenje o nabavci broj: 1062-7-2-45-3-3/22 od 17.11.2022. godine u 13:30 sati, objavljeno je na Portalu javnih nabavki zajedno sa cjelokupnom tenderskom dokumentacijom.

Za predmetnu nabavku, tekst tenderske dokumentacije Konkurentskog zahtjeva ponuđači su mogli preuzeti samo putem Portala javnih nabavki. Ugovorni organ je u skladu sa članom 88. stav (1) Zakona o javnim nabavkama, uputio poziv za preuzimanje tenderske dokumentacije sa Portala javnih nabavki na adrese 3 ponuđača.

Ugovornom organu je kroz sistem eNabavke dana 21.11.2022. godine postavljeno pitanje u vezi sa objavljenom tenderskom dokumentacijom, a koje je Ugovorni organ blagovremeno razmotrio i u skladu sa članom 56. stav (2) Zakona o javnim nabavkama kroz sistem eNabavke dao pojašnjenje tenderske dokumentacije.

Ugovorni organ je izmijenio tendersku dokumentaciju odnosno Aneks 3. Obrazac za cijenu ponude, i istu objavio na portalu eNabavke, koja je zajedno sa osnovnom tenderskom dokumentacijom postala dostupna 22.11.2022. godine svim ponuđačima koji su preuzeli osnovnu tendersku dokumentaciju kao i onim ponuđačima koji do tog dana tendersku dokumentaciju nisu preuzeli, a rok za preuzimanje tenderske dokumentacije je bio 23.11.2022. godine.

Komisija za provođenje predmetnog postupka javne nabavke imenovana Rješenjem broj: 02-11-615-4/22 od 21.11.2022. godine (u daljem tekstu: Komisija), je dana 28.11.2022. godine u 11:00 sati, u prostorijama Službe Skupštine Tuzlanskog kantona izvršila javno otvaranje ponuda i sačinila Zapisnik o otvaranju ponuda, u kojem je konstatovala da su u predmetnom postupku blagovremeno zaprimljene tri ponude. Na javnom otvaranju ponuda nije bilo predstavnika ponuđača.

Nakon otvaranja ponuda Komisija je izvršila pregled i ocjenu prispjelih ponuda, te sačinila Zapisnik o ocjeni ponuda broj: 02-11-615-12/22 od 02.12.2022. godine, koji je sastavni dio ove odluke i u kome je konstatovano sljedeće:

“U navedenom postuku javne nabavke pristigle su tri ponude i to od ponuđača:

1. “PRINT-GS” d.o.o. Travnik,
2. “HARFO-GRAF” d.o.o. Tuzla,
3. “PRINTCOM” d.o.o. Tuzla.

Ukupna cijena ponude ponuđača “PRINT-GS” d.o.o. Travnik je 28.770,00 KM bez PDV, ukupna cijena ponude ponuđača “HARFO-GRAF” d.o.o. Tuzla je 30.656,00 KM bez PDV, a ukupna cijena ponude ponuđača “PRINTCOM” d.o.o. Tuzla je 30.180,00 KM bez PDV.

Detaljnom analizom prispjelih ponuda Komisija je konstatovala da samo ponuda ponuđača “HARFO-GRAF” d.o.o. Tuzla zadovoljava sve selekzione kriterije uspostavljene u tenderskoj dokumentaciji. Ostale dvije dostavljene ponude ne ispunjavaju selekzione kriterije uspostavljene u tenderskoj dokumentaciji iz sljedećih razloga:

Ponuđač “PRINT-GS” d.o.o. Travnik dostavio je Obrazac za cijenu ponude koji nije validan. Tenderska dokumentacija za nabavku usluga - pripreme, grafičke obrade štampanja “Službenih

novina Tuzlanskog kantona” u toku 2023. godine objavljena je na portalu eNabavke 17.11.2022. godine. U roku za preuzimanje tenderske dokumentacije dana 22.11.2022. godine izvršena je izmjena tenderske dokumentacije, koja je objavljena na portalu eNabavke, gdje je u Aneksu 3. Obrazac za cijenu ponude - usluga, u tabeli pod rednim brojem 2. Priprema, grafička obrada i štampanje akreditacije i legitimacije u koloni “Ukupno količina” broj “20” zamijenjena brojem “50”. Ponuđač “PRINT-GS” d.o.o Travnik dostavio je Obrazac za cijenu ponude iz Aneksa 3. gdje je u tabeli pod rednim brojem 2. Priprema, grafička obrada i štampanje akreditacije i legitimacije u koloni “Ukupno količina” naveden broj “20” odnosno Obrasca za cijenu ponude koji je dostavljen uz tendersku dokumentaciju koji je kasnije izmijenjen, a ponuđač je propustio da nakon izmjene Obrasca za cijenu ponude, isti nakon objave na portalu eNabavke preuzme, te dostavi ispravnu ponudu na važećem Obrascu.

Ponuđač “PRINTCOM” d.o.o. Tuzla dostavio je dvije potvrde za realizaciju ugovora koje ne zadovoljavaju selekzione kriterije iz razloga što ni na jednoj od dostavljenih potvrda nije naveden iznos vrijednosti na koji je ugovor zaključen. U tenderskoj dokumentaciji u uslovima koji su vezani za tehničku i profesionalnu sposobnost ponuđača traženo je da ponuđači u prethodne tri godine imaju uspješno realizovana najmanje dva ugovora o pružanju usluga koje su predmet ove javne nabavke, i to u ukupnoj vrijednosti ugovora jednakoj ili većoj od procijenjene vrijednosti predmeta ove javne nabavke. U Zakonu o javnim nabavkama u članu 48. (Opći uslovi za tehničku i profesionalnu sposobnost) u stavu (3) navedeno je da potvrda o uredno izvršenim ugovorima mora sadržavati i podatke o vrijednosti ugovora, a u dostavljenim potvrdama ponuđača “PRINTCOM” navedenog obaveznog sadržaja tih potvrda nema.

Komisija je preporučila da se u ovom postupku javne nabavke ugovor za 2023. godinu zaključi sa ponuđačem “HARFO-GRAF” d.o.o. Tuzla, jer ispunjava sve uslove za zaključenje istog, a takođe i cijena njegove ponude odgovara procijenjenoj vrijednosti javne nabavke, a da se ponuda ponuđača “PRINT-GS” d.o.o Travnik zbog nedostavljanja ponude na važećem Obrascu za cijenu ponude i ponuda ponuđača “PRINTCOM” d.o.o. Tuzla zbog nedostavljanja validnih potvrda o uspješnoj realizaciji ugovora odbace kao neprihvatljive.”

U postupku ocjene provedenog postupka nisu uočeni propusti niti nepravilnosti u radu, koji bi eventualno bili osnov za neprihvatanje preporuke Komisije, a izbor ponuđača izvršen je u skladu sa Zakonom o javnim nabavkama, podzakonskim propisima i tenderskom dokumentacijom.

Shodno gore navedenom odlučeno je kao u dispozitivu ove odluke.

POUKA O PRAVNOM LIJEKU:

U skladu sa članom 101. stav (5) Zakona o javnim nabavkama protiv ove odluke može se izjaviti žalba ugovornom organu u roku od 5 dana od dana prijema ove odluke, na način propisan čl. 99. i 105. Zakona o javnim nabavkama.

Dostavljeno:
1x Ponuđačima
1x a/a



Sekretar
Skupštine Tuzlanskog kantona

Enisa Hasanagic
Enisa Hasanagic